

Nr 542

Stáhtaráði ášahus**ealliguovdasaš lassidoarjagis, mii máksojuvvo boazodoallojagi 2006/2007 ovddas**

Addojuvvon Helssegis geassemánu 28 beaivve 2006

Stáhtaráði mearrádusa mielde, mii lea dahkkon eanan- ja meahccedoalloministeriija ovdanbuktojumis, mearriduvvo eanan- ja šaddogárdedoalu álbmotlaš doarjagiin juovlamánu 28 beaivve 2001 addojun lága (1559/2001) 14 §` 3 momeantta vuodul:

1 §

Heivehansuorgi

Eanan- ja šaddogárdedoalu álbmotlaš doarjagiin addojun lága (1559/2001) 14 §: s dárkkuhuvvon doarjjan sáhtá fásta Suomas orru boazoeaiggádiidda máksojuvvot stáhta bušeahttaárvalusas jahkái 2006 eanan- ja šaddogárdedoalu álbmotlaš doarjagii čujuhuvvon váriin boazodoallojagis 2006/2007 ealliguovdasaš doarjja daði lági mielde go dán ášahusas mearriduvvo.

2 §

Doarjjaoažžu

Doarjja máksojuvvo jagi 2006:s máksojumái boahtti davvidoarjagis addojuvvon stáhtaráði ášahusas (29/2006) dárkkuhuvvon guovlluin C 3 ja C 4 boazodoalus bargi borramušveagaide.

Boarramušvehkii gullevažžan gehččojuvvojit náittosguimmežat sihke dakkár náittoslágán diliin oktasaš dálloalalus náitalkeahtá bistevaččat orru olbmot, geat leaba ovdal leamaš gaskaneaska náittoslihtus dehe geain lea dehe lea leamaš oktasaš mánná. Borramušvehkii gullet maid ovdal máinnašuvvon náittosguimmežiid seamma dálloalalus orru oktasaš mánát ja biebmománát, geat eai leat deavdán 18 jagi ovdal dan kaleanddarjagi álggu, goas doarjja ohccojuvvo. Boarramušveahkan gehččojuvvo maid juogekeahkes jápminbeassi.

Doarjaga oažžuma eaktun lea, ahte borramušvehkii gullevaš olbmot dehe dat olbmot, geaid eaiggáduššan bohccuid ovddas doarjja ohccojuvvo, eai leat deavdán 65 jagi ovdal dan kaleanddarjagi álgima, goas doarjja ohccojuvvo. Doarjaga oažžuma eaktun lea maid, ahte doarjjaoažžu doallá muituimerkejumiid iežas boazodoalu boaduin ja goluin.

3 §

Doarjjadohkálaš eallobohccot

Doarjaga oažžuma eaktun lea, ahte boarramušvehkii gullevaš olbmot oamastit boazologahallamiid mielde boazodoallojagi nogadettiin oktiibuot unnimusat 80 bohcco.

Doarjagii vuoigadahtton elliid oamastanrievtti ja meari vuodđun lea boazodoallojagi 2005/2006 áigemearis ráhkaduvvon boazologahallan. Boazodoallojagi 2005/2006 áigge dahkkojuvvon boazogávppit sáhttet váldojuvvot vuhtii doarjaga mieđiheamis.

Doarjja ii máksojuvvo dain eallobohccuin, mat mannet badjel bálgesiidda dehe daid osolaččaide mearriduvvon lobálaš eallobohccuid meriin. Jos bálgesa eallobohccuid mearri manná badjel bálgesii mearriduvvon stuorimus lobálaš eallobohccuid meari, geahpiduvvo borramušveagaid doarjjadohkálaš eallobohccuid mearri liigebohccuid ovddas seamma gori mielde go borramušveagat oamastit eallobohccuid bálgesis. Eallobohccuid meari báhcin 1 momeanttas

mearriduvvon meari unnibun ii eastte doarjaga miediheami borramušvehkii báhcán eallobohccuid meari vuodul, jos borramušveagas leat leamaš ovdal geahpideami unnimusat 1 momeanttas mearriduvvon mearri.

Doarjja ii máksojuvvo maid dain eallobohccuin, maid osolaš livččii galgan njuovvat bálgesa dohkkehan jahkásaš njuovvanplánaid mielde (njuovvanreasta-boazu). Jos borramušveaga njuovvanreasta-bohccuid mearri lea badjel golbma proseantta eallobohccuid mearis, ii doarjja máksojuvvo borramušvehkii ollenge.

Helssegis geassemánu 28 beaivve 2006

4 §

Doarjjamearri

Doarjaga sturrodat lea eanemusat 23 euro eallobohcco guovdu.

5 §

Fápmuiboahhtin

Dát ásahus boahhtá fápmui suoidnemánu 5 beaivve 2006.

Eanan- ja meahccedoalloministtar *Juha Korkeaoja*

Rádddehusčállli Jukka Mirvo